

enim fructus meus auro et lapide pretioso.

**R. br.** Ego mater, \* Pulchræ dilectionis. Ego mater. **V.** Et timoris, et agnitionis, et sanctæ spei. Pulchræ dilectionis. **Gloria** Patri. Ego mater.

**V.** In me omnis grátia viæ et veritátis. **R.** In me omnis spes vitæ et virtútis.

AD NONAM.

**Capitulum.** Eccli. xxiv.

**I**N me grátia omnis viæ et veritátis, in me omnis spes vitæ et virtútis. Transite ad me omnes qui concupiscitis me, et a generationibus meis implémini.

**R. br.** Qui me invenerit, \* Invéniet vitam. Qui me. **V.** Et háuriet salutem a Dómino. Invéniet vitam. **Gloria** Patri. Qui me. **V.** Transite ad me omnes, qui concupiscitis me. **R.** Et a generationibus meis implémini.

IN II. VESPERIS.

**Añæ et Capit. de Laudibus.** [426] **Psalmi ut in Festis B. M. V.** [208]

**Hymnus.**

**O**Mnis expértem máculæ Mariam Edocet summus fidei mágister;

Virginis gaudens célebrat fidélis

Terra triúmphum.

Ipsa se præbens húmili puéllæ

Virgo spectándam, récreat pavéntem,

Seque concéptam sine la-be, sancto

Prædicat ore.

**O** specus felix, decoráte divæ

Matris aspéctu! veneránda rupes,

Unde vitáles scatuére pleno

Gúrgite lymphæ.

**Huc** catervátim pia turba nostris,

**Huc** ab extérnis peregrína terris

Affluit supplex, et opem poténtis

Virginis orat.

**Excipit** Mater lácrymas precántum,

Donat optátam míseris salutem;

Compos hinc voti pátrias ad oras

Turba revértit.

**Súpplicum,** Virgo, miseráta casus,

Semper o nostros réfove labóres,

Impetrans mæstis bona sempiternæ

Gáudia vitæ.

Sit decus Patri, genitæ- que Proli,

Et tibi compar utriúsque virtus

Spiritus semper, Deus unus omni

Témporis ævo.

Amen.

**V.** Dignáre me laudárete, Virgo sacráta. **R.** Da mihi virtútem contra hostes tuos.

**Ad Magnif. Añæ.** Hódie gloriósa cœli Regína in terris apparuit; hódieópulo suo verba salutis et pignora pacis áttulit; hódie Angelórum et fidélium chori Immaculátam Conceptionem celebrántes gáudio exsúltant.

**Commem. Feriæ.**

DIE XIII. FEBRUARII.  
S. Catharinæ de Ricciis  
Virginis. Duplex.

**Omnia de Communi Virginum** [137] **præter sequentia.**

**Oratio.**

**D**omine Jesu Christe, qui beátam Catharinam Virginem tuo amore succénsam, passionis contemplatione claréscere voluisti: ejus intercessione concéde, ut passionis mystéria devóte recoléntes, ejus fructum percípere

mereámur. Qui vivis et regnas.

**Commem. Feriæ.**

**Inj. Nocturno, Lectiones.**  
De virginibus. **ut in Comuni.** [143]

**In II. Nocturno.**

**LECTIO III.**

**C**atharina, nobili familia de Ricciis Florentiæ nata, vel ab ineunte ætate piam indolem præmatúre osténdit. In suburbáno monastério sancti Petri de Monticéllis, ubi morum disciplina imbuerétur, collocáta, quotídie ad Christi crucifixi imáginem orans, non sine lácrymis, horis étiam ánimi relaxatióni addictis, ejus passionem meditabátur. Ad monastérium póstea sancti Vincentii, órdinis sancti Dominici, in civitate Prati transláta, paternos lares ad tempus repétere, nisi certa spe réditus hábita, constánter recusávit. Tandem anno décimo tertio, sæculi deliciis contéptis, ibidem religiósus institútum professa est.

**R.** Propter veritatem, et mansuetúdinem, et justitiam: \* Et dedúcet te mirabiliter dextera tua. **V.** Spécie tua et pulchritúdine

tua, inténde, prospere procéde, et regna. — Et dedúcet.

**Lectio v.**

**C**aritate in Deum fervens, orationi fere assidue vacabat, quidquid temporis necessariis occupationibus et modicæ quieti supererat, in ea insumens; utque corpus in servitute redigeret, ferrea catena et flagellis illud macerabat. Cibi parcissima, octo supra quadraginta annos carnibus abstinuit, leguminibus plerumque et herbis vescens, interdum vero solo pane et aqua contenta. Proximorum æternam salutem exoptans, ardentissimas ad Deum pro peccatorum conversione preces fundebat. Tanto etiam commiserationis sensu erga purgantem animam commota est, ut acerbissimos dolores sibi divinitus inflictos in pœnarum illi debitæ expiationem pertulisse visa sit. Eximia prudentia et regulâris observantiæ zelo moniales diu rexit, eas non minus exemplo, quam adhortationibus ad omnem sanctimoniam informans. Quo in officio humilitatem a deo coluit,

ut abjectissima quæque opera sponte obiret, ac infirmis præcipua caritate et summo studio inserviret.

**R.** Dilexisti justitiam, et odisti iniquitatem: \* Propterea unxit te Deus, Deus tuus oleo lætitiæ. **V.** Propter veritatem, et mansuetudinem, et justitiam. — Propterea.

**Lectio vi.**

**S**upernorum charismatum copia singularis in ea enituit annulo desponsationis, sacrisque stigmatibus, quæ non semel spectanda se exhibuerunt, acceptis. Plurimum annorum spatium, quinta et sexta feria in altissimam contemplationem raptâ, singulos Redemptoris cruciatus in passione toleratos ex ordine in corpore mirabiliter sentire consuevit. Prati degens, sanctum Philippum Nerium Romæ commorantem videre promeruit, ejusque colloquio frui. Ecstasum, raptuum, cœlestium visionum, ac prophæti luminis dono illustris, futura prædixit, ac simul occulta revelavit. Gravibus denique morbis decumbens, Ecclesiæ sacramentis munita, anno a

Christo nato millésimo quingentésimo nonagésimo, ætatis sexagésimo nono, quarto Nonas Februarii in cœlum migravit. Eam subinde Clemens duodécimus beatarum Virginum número, Benedictus vero decimusquartus, Póntifex máximus, solémni ritu sanctarum Virginum fastis ascripsit, anno salutis millésimo septingentésimo quadragésimo sexto.  
**R.** Afferentur Regi. [148]  
**In iij. Nocturno, Homilia.**  
**Sæpe vos, fratres, de eodem Communi. [151]**  
**Lectio ix. de Homilia et Commem. Feriæ in Laud.**  
**In Vesperis Commem. Feriæ et simplicis.**

DIE XVII. FEBRUARII.

Fugæ D. N. J. C.  
in Ægyptum.

Duplex majus.

IN I. VESPERIS.

Añæ et Capitulum de  
Laudibus. [437]Psalmi ut in Festis B. M. V.  
per Annum. [208]

Hymnus.

**R**egem tremendæ gloriæ  
Destirpe promissum Abrahæ,  
Venisse, reges indicant;  
Natumque regi nuntiant.

**T**yrannus ira fluctuat,  
Morti Puellum destinat,  
Sed Virgo Mater cœlitus  
Edocta, ferro subtrahit.  
**D**eferre natum ad exteras

Festinat Ægypti plagas,  
Nec jam quiescit, Filium  
Quousque tutum conspicit.

**A**t tu Parens fortissima,  
Quæ sancto amore saucia

Adversa quæque despicias,

Fugæque damna sustines:  
Tuis adesto servulis  
Rebus quibusque in arduis,

Quos culpa fecit exsules,  
Redire fac in patriam.

**J**esu, tibi sit gloria,  
Qui natus es de Virgine,  
Cum Patre et almo Spiritu  
In sempiterna sæcula.

Amen.

**Sic terminantur Hymni  
ad omnes Horas.**

**V.** Accipit Joseph puerum et Matrem ejus nocte.

**R.** Et secëssit in Ægyptum.

**Ad Magnificat, Añæ.**

Ecce Angelus Dómini apparuit in somnis Joseph dicens: Surge, et accipe Puerum et Matrem ejus, et fuge in Ægyptum, et esto ibi usque dum dicam tibi:

futurum est enim, ut Heródes quærat Púerum ad perdendum eum.

**Oratio.**

**P**rotéctor in te sperantium, Deus, qui Unigénitum tuum Redemptorem nostrum ex Heródis gládio fuga in Ægyptum eripere voluisti: concède nobis fámulis tuis, beatíssima semper Virgine ejus matre María intercedente; ut ab ómnibus mentis et córporis periculis liberáti, ad coeléstem pátriam pervenire mereámur. Per eúmdem Dóminum.

**Commem. Feriæ.**

**AD MATUTINUM.**

**Invit.** Salvatórem Dóminum nostrum Jesum Christum fugientem in Ægyptum, \* Veníte adorémus.

**Ps.** Veníte, exsultémus. 2.

**Hymnus ut in j. Vesp.**

**In I. Nocturno.**

**Añã.** Accépit Joseph Púerum et Matrem ejus nocte, et secéssit in Ægyptum.

**Psalmi trium Nocturn. ut in Festis B. M. V. [211]**

**Añã.** Erat ibi usque ad óbitum Heródis.

**Añã.** Fuit Dóminus cum Joseph in Ægypto.

**℣.** Ex Ægypto. **℟.** Vocávi Fílium meum.

**De Oséa Prophéta.**

**Lectio j. Cap. xj.**

**S**icut mane tránsiit, pertránsiit rex Israel. Quia puer Israel, et diléxi eum: et ex Ægypto vocávi Fílium meum. Vocavérunt eos, sic abiérunt a fácie eórum: Báalim immolábant, et simulácris sacrificábant. Et ego quasi nutrícius Ephraím, portábam eos in bráchiis meis: et nesciérunt, quod curárem eos. In funiculis Adam traham eos, in vínculis caritátis: et ero eis quasi exáltans jugum super maxillas eórum: et declinávi ad eum, ut vescerétur. Non revertétur in terram Ægypti, et Assur ipse rex ejus: quóniam noluerunt converti. Cœpit gládus in civitatibus ejus, et consúmet eléctos ejus, et cómedet cápita eórum. Et pópulus meus pendébit ad réditum meum: jugum autem imponétur eis simul, quod non auferétur.

**℟.** Dicit Dóminus, descénde in Ægyptum: ego descéndam tecum illuc: \* Et ego inde addúcam te revertentem. **℣.** Surgens Joseph accépit Púerum et Matrem ejus nocte. — Et.

**De Isaía Prophéta.**

**Lectio ij. Cap. xix.**

**E**cce Dóminus ascéndet super nubem levem, et ingrediétur Ægyptum, et commovebúntur simulácrã Ægypti a fácie ejus, et cor Ægypti tabéscet in médio ejus. Et concúrrere fáciem Ægyptios advérsus Ægyptios: et pugnábit vir contra fratrem suum, et vir contra amicum suum, civitas advérsus civitátem, regnum advérsus regnum. Et dirumpétur spíritus Ægypti in viscéribus ejus, et consílium ejus præcipitábo: et interrogábunt simulácrã sua, et divínos suos et pythónes et ariolos. Et tradam Ægyptum in manu dominórum crudélium, et rex fortis dominábitur eórum, ait Dóminus Deus exercítuum.

**℟.** Rex noster advéniet Christus, \* Quem Joánes prædicávit Agnum esse ventúrum. **℣.** Super ipsum continébunt reges os suum, ipsum gentes deprecabúntur. — Quem.

**Lectio iij. Cap. xix.**

**I**N die illa erit altáre Dómini in médio terræ Ægypti, et título Dómini juxta términum ejus

erit in signum, et in testi-mónium Dómino exercítuum in terra Ægypti. Clamábunt enim ad Dóminum a fácie tribulántis, et mittet eis salvatórem et propugnatórem, qui liberet eos. Et cognoscétur Dóminus ab Ægypto, et cognóscet Ægyptii Dóminum in die illa, et colent eum in hóstiis et in munéribus: et vota vovébunt Dómino et solvent. Et percútiét Dóminus Ægyptum plaga, et sanábit eam, et reverténtur ad Dóminum, et placábitur eis, et sanábit eos. In die illa erit via de Ægypto in Assyrios, et intrábit Assyrius Ægyptum, et Ægyptius in Assyrios, et sérvient Ægyptii Assur. In die illa erit Israel tértius Ægyptio et Assyrio: benedíctio in médio terræ, cui benedíxit Dóminus exercítuum, dicens: Benedictus pópulus meus Ægypti.

**℟.** Ecce ab Austro vénio ego Dóminus Deus vester, \* Visitáre vos in pace. **℣.** Aspiciam vos et créscere fáciem; multiplicámini et firmábo pactum meum vobíscum. — Visitáre. **Gloria.** Visitáre.

## In II. Nocturno.

**Antiphona.** Heródes, videns quóniam illúsus esset a Magis, irátus est valde.

**Antiphona.** Mittens Heródes, occídit omnes púeros, qui erant in Bétlehem et in ómnibus finibus ejus.

**Antiphona.** A bimátu et infra occídit multos púeros Heródes propter Dóminum.

**V.** Vox in Rama audíta est. **R.** Plorátus et ululátus multus.

Sermo sancti Joánnis Chrysóstomi.

Homilia viij. in Matth.

## Lectio iii.

**C**UR in Ægyptum puer mittitur? Causam in primis prótulit Evangelista dicens: Ut impleretur illud: Ex Ægypto vocávi Filium meum; simulque bonæ spei procemia toti orbi prænuntiabantur. Quia enim Bábylon et Ægyptus plusquam reliquus orbis impietatis ardébant flamma, ab exórdio declárans, se ambas illas regiónés emendatúrum, et ad melióra deductúrum, simulque per hæc indicans étiam toti terrarum orbi bona exspectánda esse, et Magos misit, et ipse cum Matre sua profectus est.

Ad hæc vero áliud étiam inde docémur, quod non parum nos ad philosophiam incitet. Quodnam illud? Quod ab ipso initio tentatiónes et perícula sint exspectánda. Vide namque, id ipsi ab incunábulis accidisse. Nam illo nato furit tyránnus, hinc fuga et transmigrátio in exsílíi locum, et insons Mater in barbarórum regiónem se próripit.

**R.** Ægypte, noli flere, quia Dominátor tuus véniet tibi, ante cujus conspéctum movebúntur abyssi, \* Liberáre pópulum suum de manu poténtiæ. **V.** Ecce véniet Dóminus exercítuum, Deus tuus cum potestáte magna. — Liberáre.

## Lectio ii.

**H**OC exémplo fultus fórtiter feras, gnarus, hanc cum primis esse spirituálium virórum sortem, ut ubique tentatióibus impetántur. Animadvérte igitur, id non solum Púeri Matri accídere, sed étiam bárbaris illis; nam et illi clam discédunt quasi fugítivi, et hæc, quæ nunquam e domo egressa fúerat, tam longum et ærumnósum iter suscipere jubétur

ob mirábilem hunc éditum Púerum et spirituálem partum. Rem íterum stupéndam considéra. Palæstína insidiátur, Ægyptus vero éxcipit, et servat insidiis impetítum. Neque enim tantum in filiis patriárchæ, sed étiam in Dómino typi et figuræ contigérunt. Per ea enim, quæ ab ipso gesta sunt, multa prænuntiabantur eórum, quæ póstea eventúra erant: quod et in ásina, et in pullo factum est. Angelus igitur, qui apparuit, non Mariam, sed Joséphum allóquitur: et quid dicit? Surge, áccipe Púerum et Matrem ejus. Hic non ultra dicit, conjugem tuam, sed Matrem ejus. Quia enim partus contigit, suspicio solúta est, et viro fides facta est, libere jam lóquitur Angelus, neque filium, neque conjugem ejus dicens; sed, Púerum et Matrem ejus: et fuge in Ægyptum; fugæque causam addit: futúrum est enim, inquit, ut Heródes quærat ánimam Púeri.

**R.** Cognoscétur Dóminus ab Ægypto. \* Et cognóscet Ægyptii Dóminum in die illa. **V.** Clamábunt

ad Dóminum a facie tribulántis, et mittet eis Salvatórem. — Et cognóscet.

## Lectio vi.

**H**OC vero Virginem ipsam non mediócritèr claram éfficit et illústrem. Nam quod totus pópulus encómii loco habébat, hoc ipsum habére pótuit et ipsa. Quod enim altum sapiébant et sese jactábant ob réditum ex Ægypto, (id quod subíndicans Prophéta dicébat: Nonne alienígenas addúxi de Cappadócia, et Assýrios ex fóvea?) illud ipsum prærogatívam Virginitatis facit. Imo vero et pópulus, et patriárcha descendentes et ascendentes, inde istius ascensus, seu réditus typum implébant: nam illi descendérunt, ut mortem ex fame imminéntem effúgerent; hic vero, ut vitáret mortem parátam. At illi eo veniéntes ex fame tunc liberátii sunt; ille vero, ut eo descendit, regiónem totam per advéntum suum sanctificávit. Consideres itaque velim, quómodo inter humília, quæ ad divinitátem pértinent, reveléntur. Etenim cum dixit Angelus, fuge in Ægyptum, non

promisit, se itineris comitem futurum, vel descendentibus, vel redeuntibus, subindicans, illos magnum habere comitem, recens natum Puerum, qui statim atque apparuit, omnia mutavit.

**R.** Sancta et immaculata Virginitas, quibus te laudibus offeram, nescio. \* Quia quem coeli capere non poterant, tuo gremio in Ægyptum contulisti. **V.** Benedicta tu in mulieribus, et benedictus fructus ventris tui. — Quia. **Gloria Patri.** Quia.

In III. Nocturno.

**Añã.** Defuncto autem Herode, ecce Angelus Domini apparuit in somnis Joseph in Ægypto.

**Añã.** Surge et accipe Puerum et Matrem ejus, et vade in terram Israel.

**Añã.** Defuncti sunt, qui quaerebant animam Pueri.

**V.** Consurgens Joseph accepit Puerum et Matrem ejus. **R.** Et venit in terram Israel.

Lectio sancti Evangelii secundum Matthæum.

**Lectio vij.** **Cap. ij.**

**I**N illo tempore: Angelus Domini apparuit in somnis Joseph, dicens:

Surge et accipe Puerum et Matrem ejus, et fuge in Ægyptum, et esto ibi, usque dum dicam tibi. Et reliqua.

Homilia sancti Petri  
Chrysologi.

**Serm. clj. de fuga Christi in Ægyptum.**



Odierna lectio movit corda, concussit viscera, stupere fecit auditum. Ecce, inquit, Angelus Domini apparuit Joseph in somnis, dicens: Surge, accipe Puerum et Matrem ejus, et fuge in Ægyptum. Cui nascenti virginitas non resistit, non obviat ratio, contradicit natura: potestas quæ, quæ vis, quod discrimen prevaleret, ut compelleretur ad fugam? Accipe Puerum et Matrem ejus, et fuge in Ægyptum. Reverentius diceret: Vade in Ægyptum; ut esset profectio, non fuga, voluntas, non necessitas: iudicium, non metus, humanum saltem, si non divinum: at nunc mandatur fuga, mandatur coelitus, mandatur per Angelum, ut videatur coelum timor ante tenuisse, quam terram.

**R.** Nesciens Mater Virgo virum, peperit sine dolore: \* Salvatorem sæculorum, ipsum regem Angelorum, exsulem Virgo lactabat ubere de coelo pleno. **V.** Domus pudici pectoris templum repente fit Dei: intacta nesciens virum, verbo concepit filium. — Salvatorem.

**Lectio viij.**

**A**ccipe Puerum et Matrem ejus, et fuge in Ægyptum. In Ægyptum fuge, a tuis ad extraneos; ad sacrilegos a sanctis, a templo tuo ad daemonum fana; ad idolorum patriam e regione sanctorum. Sic Judææ non sufficit latitudo, sic angustatur sæculi diffusa possessio, non capit secretum templi, sacerdotum turba non suscipit, non abscondit numerositas investigabilis cognatorum, ut ad deitatis latebras profana Ægyptus conducatur: sic res urget, sic non vacat intueri verecundiam Virginis, laborem Matris, sexus pudorem, periculum in Joseph, longinquitatis fatigationem, exitium totius domus.

**R.** Et nunc quid tibi est in via Ægypti? \* Rever-

tere virgo Israel ad civitates tuas. **V.** Usquequo dolens avertéris? — Revertere. **Gloria Patri.** Revertere.

**Lectio ix. de Homilia Feriæ.**

Te Deum. 20.

AD LAUDES,

et per Horas, Añæ.

1. Ecce Angelus Domini \* apparuit in somnis Joseph.
2. Surge et accipe \* Puerum et Matrem ejus, et fuge in Ægyptum.
3. Esto ibi \* usque dum dicam tibi.
4. Futurum est enim, ut Herodes quaerat Puerum ad perdendum eum.
5. Consurgens Joseph, \* accepit Puerum et Matrem ejus nocte, et secéssit in Ægyptum.

**Capitulum.**

**Is. xix.**

**E**cce Dominus ascendet super nubem levem, et ingrediétur Ægyptum, et commovebuntur simulacra Ægypti a facie ejus, et cor Ægypti tabescet in medio ejus.

**Hymnus.**

**V**eri Tonantis unicum, Enses caventem perfidos,  
Cultu relicto numinum, Ægypte, præsta sóspitem.

Heródis hunc immánitas  
Abíre cogit éxsulem;  
Sed dura nos Christi fuga  
Iter salutis édocet.

Virgo parens dulcíssima,  
Quæ mille per perícula  
Dulcem feréndo párvu-  
lum,  
Invicta cursum cóncifis.  
Fac nos, solútis vínculis,  
Quæ tendit astus dæmo-  
nis,  
Per plana, per et áspera,  
Nostrum sequámur Prín-  
cipem.

Jesu, tibi sit glória,  
Qui natus es de Virgine,  
Cum Patre et almo Spí-  
ritu,  
In sempitérna sæcula.

Amen.

✠ Gaude et lætare Ægy-  
pte. ✠. Quia in médio tui  
Sanctus Israel.

Ad Bened. Añã. Defún-  
cto Heróde, ecce Angelus  
Dómini apparuit in som-  
nis Joseph in Ægypto di-  
cens : Surge et áccipe  
Púerum et Matrem ejus,  
et vade in terram Israel ;  
defúnci sunt enim, qui  
quærébant ánimam Púeri.

Oratio.

Protéctor in te sperán-  
tium, Deus, qui Uni-  
génitum tuum Redem-  
ptórem nostrum ex Heró-  
dis gládio fuga in Ægy-

ptum erípere voluisti :  
concéde nobis fámulistuis,  
beatíssima semper Virgi-  
ne ejus matre María in-  
tercedénte; ut ab ómnibus  
mentis et córporis pericu-  
lis liberáti, ad cœléstem  
pátriã pervenire mereá-  
mur. Per eúmdem.

Commem. Feriæ.

Ad Primam in ✠. brevi,

✠. Qui natus es de María  
Virgine.

AD TERTIAM.

Capit. ut ad Laud. [437]

✠. br. Dóminus, \* Tam-  
quam sponsus. Dóminus.

✠. Procédens de thálamo  
suo. Tamquam sponsus.  
Glória Patri. Dóminus.

✠. Egrediétur Dóminus  
de loco sancto suo. ✠. Vé-  
niet, ut salvet pópulum  
suum.

AD SEXTAM.

Capitulum. Ezech. xxx. b

HÆC dicit Dóminus  
Deus : Dispérdam  
simulácula, et cessáre fá-  
ciam idóla de Memphis, et  
dux de terra Ægypti non  
erit ámplius, et dabo ter-  
rórem in terra Ægypti.

✠. br. Egrediétur Dómi-  
nus, \* De loco sancto suo.  
Egrediétur. ✠. Véniet, ut  
salvet pópulum suum. De  
loco. Glória Patri. Egre-  
diétur.

✠. Vidérunt omnes fines  
terræ. ✠. Salutáre Dei  
nostri.

AD NONAM.

Capitulum. Is. xvj.

INI consílium, coge quasi  
cílíum : pone quasi  
noctem umbram tuam in  
merídie; abscónde fugién-  
tes, et vagos ne prodas.  
Habitábunt apud te pró-  
fugi mei : esto latíbulum  
eórum a fácie vastatóris.

✠. br. Vidérunt, \* Omnes  
fines terræ. Vidérunt.  
✠. Salutáre Dei nostri.  
Omnes fines terræ. Glória  
Patri. Vidérunt.

✠. Verbum caro factum  
est. ✠. Et habitávit in nobis.

IN II. VESPERIS.

Añã et Capitulum ut in  
Laud. [437] Psalmi ut in  
Festis B. M. V. [208]

Hymnus et ✠. ut in pri-  
mis Vesperis. [431]

Ad Magnif. Añã. Audiens  
Joseph, quod Archeláus  
regnáret in Judæa pro He-  
róde patre suo, tímuit illo  
ire, et admónitus in som-  
nis, secéssit in partes Ga-  
lilææ; et véniens habitávit  
in civitáte, quæ vocátur  
Názareth, ut adimplerétur,  
quod dictum est per  
Prophétas : Quóniam Na-  
zaræus vocábitur.

Commem. Feriæ.

DIE XIX. FEBRUARII.  
S. Conradi Placentini  
Confess. Semiduplex.  
Omnia de Comm. Conf.  
non Pont. [112] præter  
sequentia.

Oratio.

ADÉsto Dómine suppli-  
caciónibus nostris,  
quas in beáti Conrãdi  
Confessóris tui solemnité  
deférimus : ut qui no-  
stræ justítie fidúciam non  
habémus; ejus, qui tibi  
plácuit, précibus adjuvé-  
mur. Per Dóminum.

Commem. Feriæ.

In j. Nocturno, Lectiones.  
Beátus vir. de Comuni  
ij. loco. [128]

In II. Nocturno.

LECTIO II.

Conrãdus Placéntiæ  
nóbili genere na-  
tus, ac venatióni  
comprimis déditus, jussit  
aliquándo vepres, ubi feræ  
latébant, succéndi; sed  
ultra, quam vóluit, vento  
perlátus ignis próxima  
fœdo vastávit incéndio.  
Quo viso Conrãdus in ur-  
bem laténte est ingrés-  
sus; sed mox ad prætorem  
deláta re, emissóque sa-  
tellitio, homúnculus ínfi-  
mæ plebis tamquam in-  
céndii auctor comprehén-  
sus est, vique tormentó-

rum falsa confessiōe expressa, damnātus ad supplicium rapiebatur. Tum Conradus consciētia excitatus innocētem hominūculum e carnificis manibus eripuit, seque reum confessus divēditis bonis illata damna compensavit, humanisque rebus una cum uxore nuntium remisit.

℞. Honestum fecit illum Dominus, et custodivit eum ab inimicis, et a seductoribus tutavit illum : \* Et dedit illi claritatem aeternam. ℞. Justum deduxit Dominus per vias rectas, et ostendit illi regnum Dei. — Et dedit.

**Lectio v.**

**C**UM itaque uxor sacrum velum sumptura Placentiae mansisset, ipse abiit in regionem longinquam, et Franciscani ordinis, qui Tertiariorum dicitur, assumpto habitu, Romam pervenit sacras aedes visitaturus. Inde in Siciliam ad Netinos abiit, ubi aliquamdiu in sancti Martini xenodochio diversatus, in solitudinem secessit, in qua se inedia et precibus afflicans per annos quadraginta humi cubabat, nunc solo pane,

nunc herbis tantum contentus, et dono prophetiae miraculisque clarus. Crebras carnis ac daemones tentationes, gulaeque blanditias corporis afflictatione atque assiduo precandis studio tam egregie vicit, ut vel esculenta munuscula, quae ab amicis mitterentur, non prius attingeret, quam putrida jam et vermibus scatentia sensus ipse refugeret. Quin etiam tunica posita tandem nudos artus in veprato volutabat, quoad effluente sanguine edendi ardor exstingueretur.

℞. Amavit eum Dominus, et ornavit eum : stolam gloriae induit eum, \* Et ad portas paradisi coronavit eum. ℞. Induit eum Dominus loricae fidei, et ornavit eum. — Et.

**Lectio vj.**

**C**UM autem sexta quaeferia in urbem ad imaginem Crucifixi, quae summa religione celebratur apud Netinos, adorandam mira pietate ventitaret, improbi quidam irrisores per eam occasionem religiosissimum virum ludos facere voluerunt. Itaque per simulationem ad prandium pi-

scium invitato, carnem suillam apponunt, nec aliud ipsi manducant. Inde hominis improbitatem excitare, vel simplicitatem cavillari. Negat ille se quidquam gustasse praeter pisces; statimque spinas et squamas amota mappula, qua tegebantur, ostendit, et eorum impudentiam redarguit. Item ab Antistite Syracusano fama sanctitatis excito visitatus, et ab eodem, ut secum coenaret, invitatus, protinus e cellula placentis quatuor calidas ex tempore divinitus paratas protulit; qui postea vicissim ad Antistitem Syracusas profectus, juxta episcopium plurimis aviculis circum volitantibus, et ipsius adventum quodammodo gratulantibus mirabiliter exceptus est. His aliisque multis spectatae sanctimoniae indicis, ejusque precibus caelesti auxilio laborantibus, non solum indigenis, verum etiam alienigenis, eo praesertim anno, quo migravit in caelum, millesimo trecentesimo quinquagesimo primo, saepissime impetrato, commoti Leo decimus Pontifex maxi-

mus in Netina urbe primum; deinde Paulus eo nomine tertius, alibi etiam beati Conradi festivam diem undecimo Kalendas Martii quotannis celebrari permisere. Ejus corpus in argentea conditum arca in ecclesia sancti Nicolai apud Netinos variis adhuc miraculis enitescit.

℞. Iste homo. [120]

In ij. Nocturno, Homil. Grandis fiducia. pro Abbatibus. [132]

Lectio ix. de Homilia et Commem. Feriae in Laud.

DIE XXVI. FEBRUARII.

**S. Margaritæ Cortonensis**

Poenitentis. Semiduplex. Omnia de Communi nec Virg. nec Mart. [160] praeter sequentia.

**Oratio.**

**D**Eus, qui famulam tuam Margaritam de perditionis via ad salutis tramitem misericorditer deduxisti : eadem nobis miseratiōe concede, ut quam prius errantem sectari non erubuerimus, mox poenitentem impigre sequi gloriamur. Per Dñum. **Commem. Feriae.** In j. Noct. Lect. Mulierem fortem. de Communi. [164]